



GÄLLIVARE
KOMMUN

Aukea Kotipalvelu



Informasuuni Jällivaaran kunnan
aukeasta kotipalvelusta

Aukea kotipalvelu tarjoa turvalisen vaihtoehon.

Met yritämmä aina kohata ja huolehtia joka henkilön erityiset tarpeet hoijosta ja huolenpiosta. Hoito pittää olla hyvää laatua ja perustua kunnioituksesta jokhaisen omapäätäväisyytheen, ja olla järkevä tuki jokapäiväsessä elämisessä.

Vanhuustenhuolon tehtävä oon kansa ette vanheemillä ihmisillä pittää olla maholisuus asua jäljelä omassa asunossa niin pitkhään ko maholista. Meilä oon pitkä kokemus kotipalveluksesta ja meilä oon etableerattu ja hyvin toimiva ytheistyö primärihoijon kansa.

Jeograaffiset aluheet

Aukea kotipalvelu oon jaettu kolhmeen aluheeseen; Malmivaara, Jällivaara ja Maaseutu.

Maaseutukotipalvelulla oon kuus ryhmäpaikkaa aluheela; Puoltikasvaara, Nilivaara, Ullatti, Hakkas, Dokkas ja Nattavaara. Henkilökunta lähtee näistä paikoista likisaatavhiin kylhiin.

Meän palvelut

Avustus päätöksen mukhaan met annama, hoitoa, sörvistoimia (korjua, pyykinpesoa, ostoksia ym), saattajatoimintaa, vuorotteluhoito kotona, turvahälytintä ja ruanjakelua.

Aika koska palvelukset tarjotaan

Päivisin arkipäivinä kl: 07:00-17:00

Iltasin arkipäivinä kl: 17:00-22:00

Pyhäsaikoina kl: 07:00-22:00

Vöilä vain asutuskeskustassa kl: 22:00-07:00

Henkilökunnan peruskoulutus

Apuhoitaja ja hoitobüträäti.

Meän kokemukset saman sorttisesta toiminasta

Aukeassa kotipalveluksessa meilä oon laaja monivuotinen kokemus siitä ette antaa sörvistä ja huoltoa omassa koissa.

Meän spesiaalikompetensi

Demensisaihrauet, hoito elämän loppuvaiheessa ja tukihenkilötehtävissä.

Kielitaitoja

Ruottin kieli, suomen kieli, meänkieli, saamenkieli ja englantin kieli.

Meän työ ette saavuttaa kunnan kvaliteettitavoitteet

Met tehämä työplaanin sinun tarpeitten ja toivomuksitten mukhaan, met tehenä kansa töitä jatkuvan tarkistelun, tukihenkilön ja dokumenttasuunin kansa. Henkilökunnan kompetensi oon tärkeä perusehto ette met saatama antaa sulle net toiminat jotka sie tarttet. Met tehämä töitä jatkuvitten parantamisitten kansa ette tyytyttää sinun tarpeet ammattimaisemaisela laila. Joka vuosi met tehämä käyttäjäenkäätin.

Näin met tykkäämä kontinyiteetistä ko oon kyse henkilökunnasta ja aijoista.

Aukea kotipalvelu tekkee aktiivisesti töitä kontinyiteetin kansa ja ette henkilöstää meän toimintaa sinun tarpeitten mukhaan. Osa tässä oon työ ette kehittää hyvin toimivan tukihenkilötoiminan.

Mielipiteitä ja moittimisia

Jos sulla oon mielipiteitä meän toiminasta sinun pittää ottaa yhteyttä tukihenkilön, osastajohtajan elikkä vanhuustenhuoltojohtajan kansa. Sen sie tehet helpoimin ottamalla yhteyen suohraan telefoonila elikkä preivilä. Maholisuus oon kansa ette jättää mielipiteitä meän toiminasta vasitulla planketilla. Sen planketin sosiaalihalinto seuraa ylös.

HAKEMUS

Ette aktyaliseerata tarpheen kotipalvelusta sie otat yhtheyttä avustustutkian kansa kunnassa. Yhessä avustustutkian kansa päätethään kotikäyntipäivä ja hakemus kotipalvelusta tehthään. Hakemus toiminasta käsitelthään aina sekretessilä.

Selvitys

Avustustutkian tavoite oon ette tehjä täheliset selvitykset mitä ja kuka saattaa tyytyttää sinun tarpheet. Ette saattaa ratkasta jos sulla oon oikeus kotipalvelhuun avustustutkia tekkee selvityksen ja individyellin arvostelun jokhaisessa yksityisessä asiassa. Tässä selvityksessä tutkia ottaa selvile sinun tarpheet avusta ja tuesta. Selvitys alotethaan niin hoppua ko maholista ja selvitysaika riippuu tarpheista. Jos sie et ole tyytyväinen päätöksen kansa jonka sie saat niin sie saatat saaja apua avustustutkialta ette valittaa päätöksen lääninoikeutheen.

Kenenkäs kansa mie otan yhtheyttä jos mie halvaan hakea kotipalvelua?

Jos sulla oon tarve kotipalvelusta sie olet tervetuloa ottamhaan yhtheyen sen avustutstukian kansa joka vastaa siitä kuukausipäivästä ko sie olet syntyny.

Jos sie olet syntynyt päivänä 1 – 8 sie otat yhteyttä:

Lisbeth Nilsson Nirlén

Tel: 0970/186 41

Jos sie olet syntynyt päivänä 9 - 16 sie otat yhteyttä:

Lena Lantto Nensén

Tel: 0970/185 57

Jos sie olet syntynyt päivänä 17 - 23 sie otat yhteyttä:

Eva Lundkvist Grönberg

Tel: 0970/182 18

Jos sie olet syntynyt päivänä 24 – 31 sie otat yhteyttä:

Gunilla Nordin

Tel: 0970185 26

Avustustutkiat kohtaa varmiimasti 08:00-09:30 välisenä aikana

Samassa jamassa projektin kansa tehjä kotikäyntiä
Teksti: Ann-Louise Lundgren 2008
Julkastu: Jällivaaran kunnalta sosiaalihallinto 2008-2009